

**UGOVOR**  
**O NABAVCI OPREME ZA SISTEM TEHNIČKE ZAŠTITE NA OBJEKTU JU**  
**„OSNOVNA ŠKOLA MEHMEDALIJA MAK DIZDAR“ SARAJEVO**

Između ugovornih strana:

1. Osnovna škola „Mehmedalija Mak Dizdar“, ulica Žrtava Fašizma br. 14, Sarajevo, ID broj 4200461710003 koga zastupa direktor Munib Kukavica (u daljem tekstu: **Naručilac**) i
2. Agencija za zaštitu ljudi i imovine "GAMA AA" društvo sa ograničenom odgovornošću Sarajevo, ulica Bulevar Meše Selimovića br. 16, ID broj 4201829970007, PDV broj: 201829970007, koju zastupa izvršni direktor Adnan Mirvić (u daljem tekstu: **Izvršilac**).

**PREDMET UGOVORA**

**Član 1.**

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", br 39/14) **Naručilac** zaključuje Ugovor o nabavci opreme za sistem tehničke zaštite sistem na objektu JU „Osnovna škola Mehmedalija Mak Dizdar“ Sarajevo na adresi Žrtava Fašizma br. 14, Sarajevo sa **Izvršiocom**, kao ponuđačem.

**Član 2.**

Predmet ugovora je nabavka opreme za sistem tehničke zaštite na objektu JU „Osnovna škola Mehmedalija Mak Dizdar“ Sarajevo na adresi Žrtava Fašizma br. 14, Sarajevo, u skladu sa potpisanim i ovjerenim predračunom br. 982/17 od dana 24.07.2017. godine, koji je sastavni dio ovog Ugovora.

**CIJENA I NAČIN PLAĆANJA**

**Član 3.**

(1) Cijena nabavke opreme iz člana 1. i 2. Ugovora za potrebe „Osnovna škola Mehmedalija Mak Dizdar“ Sarajevo na adresi Mehmedalija Mak Dizdar br.14, Sarajevo iznosi **5.074,24 KM sa PDV-om** (slovima: pethiljadasedamdesetčetiri i 24/100 KM).

(2) Cijena opreme iz člana 3. stav (1) ovog Ugovora je utvrđena na osnovu prihvaćenog predračuna, te se kao takva ne može mijenjati.

**Član 4.**

Strane su saglasne da će se fakturisanje opreme vršiti odmah nakon isporuke opreme za sistem tehničke zaštite od strane **Izvršioca** usluga.

**Član 5.**

**Naručilac** će uplatiti ugovorenu cijenu iz člana 3. po fakturi **u roku od 15 dana od dana dostave fakture** na transakcijski račun **Izvršioca** broj: 1346101001118972 kod ASA Banka d.d Sarajevo.

## PRAVA I OBAVEZE UGOVORNIH STRANA

### Izvršilac se obavezuje:

#### Član 6.

- Da nabavku opreme koja je predmet ovog Ugovora izvodi u skladu sa važećim zakonskim propisima, normativima i standardima za ovu vrstu posla;
- Da nabavku opreme vrši u skladu sa najvećim profesionalnim standardima;
- Da obezbijedi svu potrebnu dokumentaciju;
- Da odmah, po zahtjevu Naručioca, pristupi otklanjanju uočenih nedostataka na opremi;
- Da nadoknadi svu štetu Naručiocu, nastalu na opremi, nesavjesnim postupanjem.
- Za vrijeme garantnog perioda koji traje (12) dvanaest mjeseci od dana kada je izvršen tehnički prijem opreme i pod uslovima garancije, u slučaju hardverskog kvara, sa dijagnostičiranom zamjenom pokvarene hardverske komponente, Izvršilac je dužan besplatno izvršiti zamjenu odnosno opravku;

#### Član 7.

### Naručilac se obavezuje:

- da će osigurati sve dostupne informacije koje su Izvršiocu neophodne da bi uspješno obavio posao;

## ROK IZVRŠENJA UGOVORA

#### Član 8.

Rok za izvršenje ugovorenih obaveza je **15 kalendarskih dana**, računajući od dana uvođenja Izvršioca u posao.

## OSTALE ODREDBE

#### Član 9.

Sve što nije regulisano ovim Ugovorom, regulisat će se primjenom odredbi Zakona o obligacionim odnosima.

#### Član 10.

Sve eventualne sporove ugovorne strane pokušat će riješiti sporazumno, a ako to ne bude moguće, priznaju nadležnost suda u Sarajevu.

#### Član 11.

Ovaj ugovor sačinjen je u 2 (slovima: dva) jednaka primjeraka, od kojih Naručilac zadržava 1 (slovima: jedan), a Izvršilac 1 (slovima: jedan) primjerak Ugovora.

IZVRŠILAC

"GAMA AA" d.o.o. Sarajevo  
Izvršni direktor

Mirvić Adnan



M.P.

Broj: 1407/17

Sarajevo, 07.08.2017. god

NARUČILAC

Osnovna škola „Mehmedalija Mak Dizdar“  
Direktor

Munib Kukavica



M.P.

Broj: 200-01/2017

Sarajevo, 07.08.2017.